



**TEZAUUR LITURGIC**  
**25 IANUARIE**  
**PR.ILIE TETERKO**

**SLUJBA**  
**SF. IERARH**  
**GRIGORIE**  
**CEL BĂTRÂN,**  
**EPISCOPUL**  
**NAZIANZULUI**



**ODESSA, 2020**



**СЛУЖБА**  
**Святым праведным святителю**  
**Григорию Старшему,**  
**епископу Назианзскому,**  
**И диакониссе Нонне, родителям**  
**святителя Григория Богослова**

**НА ВЕЧЕРНИ**

На Господи, воззвах: **стихиры, глас 4:**

Двоицу всечестную и священную, приидите, восхвалим, / Григория мудраго и Нонну всечудную, / просвещенных чистотою и целомудрием, / украшенных богатством милости; / и ныне притекающе к их предстательству, // просим от Господа получитьи велию милость.

От языческа тьмы пришел еси к Евангельскому Свету, / Григорие отче преславне, / и миро, изливанное на тебе благодати, / помаза тя проповедати Христово воплощение: / ты бо святительскою одеявся одеждею, / Троицы поборник явился еси // и молитвенник теплейший о душах наших.

Ревность твоя по Бозе и молитвы теплейшия, / словеса кроткия и житие непорочное, / Нонно мати Богоблаженная, / мужа твоего Григория от

нечестия отврати, / любовь бо Христову и Того  
Человеколюбие / священными беседами ему  
проповедала еси. / Темже, прехвальная, и нас не  
остави // матерним предстательством твоим и  
любовию.

Супруг всечестных Григория и Нонну воспоим  
любовию, / и чада их восхвалим всекрасныя и  
святыя: / Григория Богослова священнаго, /  
Горгонию, добродетельми и чадами  
украшенную, / Кесария, врача милостиваго и  
святых собеседника, / и к ним, припадающе  
возопиим сердечне: / не оставите нас  
заступничеством вашим, Богоблажении, / да  
вашими молитвами дарует нам Господь //  
просвещение и велию милость.

**Слава, И ныне, Богородичен, глас тойже:**

Небесных чинов радование, / на земли  
человеков крепкое предстательство, / Пречистая  
Дево, / спаси нас, иже к Тебе прибегающия, /  
яко на Тя упование // по Бозе, Богородице,  
возложихом.

**Или Крестобогородичен:**

Агнца, Агница и Всенепорочная Владычица, /  
на Кресте яко видевши / зрака не имуща, ни  
доброты, / увы Мне, плачущи глаголаше: / где  
красота Твоя зайде, Сладчайший, где  
благолепие? / Где благодать сияющая образа  
Твоего, // Сыне Мой Любезнейший?

## На стиховне стихиры Осмогласника.

### Слава святых, глас 1:

Григорий преславный и Нонна всехвальная, /  
сосуди Духа Святаго, / супружества  
христианского честное правило, / крепцыи  
поборницы веры православныя, / цветы  
неувядаемья Церкви Христовы // о мире и  
людех прилежно молитесь, Богоблажении.

### И ныне, Богородичен, глас тойже:

Ум ангельский и человеческий / не может  
изъяснити несказаннаго и преславнаго /  
таинства рожества Твоего, Дево Богородице. /  
Тобою бо Свободный естеством / образом раба  
обнища нас ради по богатству благодати, // Ему  
же молися Всечистая, да спасет души наша.

### Или Крестобогородичен:

Воздвижена яко виде на Кресте Агнца, /  
Непорочная Дева плачущи вопияше: / Сладкое  
Мое Чадо, / что новое и преславное видение? /  
Какое сохрани всяческая горстию, // на Древе  
пригвождаешия плотию?

### Тропарь глас 4:

Честнаго супружества и попечения о чадах  
доброй образе, / блаженств Христовых  
причастницы, / Григорие всечестне и Нонно  
всеблаженная, / плод благочестия Церкви  
явивший, / со чады своими усердно молитесь

Господа / низпослати нам дух любви и смиренномудрия, // да в мире и единомыслии прославим Троицу Единосущную.

## **НА УТРЕНИ**

**Канон святым, глас 2.**

**Песнь 1.**

**Ирмос:** Грядите, людие:

**Д**рева жизни наслаждающиеся и райское воистинну веселие восприимше, всемудрии, / вас восхваляющия молите Человеколюбца спасти от всяких зол.

**В** пути заповедей Твоих шествуя тепле, Владыко Христе, / Твои раби, обители достигоша, / сугубым желанием жизни вечныя наслаждаяся.

**Л**учами и теплотою Солнца Правды, Христа Спаса, озарившися, / чада света и дне явишася, Григорие и Нонна всечестныя, / мир весь просветили добродетельным житием вашим.

**Богородичен:** Светлыми лучами Твоего Сына, Богородице, / просвети омраченную мою душу, / страстей смущение отжени, Твоими, Чистая, ходатайствы.

**Песнь 3.**

**Ирмос:** На камени мя веры:

**В**оспоем супруг всечестных, Григория и Нонну, / от нихже возсияша Церкви чада благодатная: /

Григорий Богомудрый, Горгония и Кесарий  
славнии, / добродетелям нас научающи.

Уз избежав идольскаго суетства, святителю  
Григорие, / связался еси желанием любви  
Христовы, / иерарх честен и милостивый явился  
еси, / паству твою любовью соблюдая.

Законами питаюся Владыки и в добродетелех  
возрастая, / поучала еси твоя дети заповедем  
Господним, Нонна всечудная, зовущи: / несть  
свят, якоже Бог наш, // и несть праведен паче  
Тебе, Господи.

**Богородичен:** Яко Бога заченши, Содетеля же, и  
Зиждителя, и Господа, / роди Тя вси  
человечестии, Чистая, ублажают, / и  
Безтелесных разумная чиноначалия яко Матерь  
Божию Тя славят.

### Седален, глас 8:

В заповедех Владыки хождаше, / подобными же  
нравы дети твоя научая, / Григорие и Нонно  
Богоблаженнии, / с нимиже Вышнее  
наследовали есте Царствие, / напастей  
всяческих оставив обуревание. / Темже вси  
восхваляем благочестно вас, / и любовь  
почитаем, и верно взываем: / молитесь, святии,  
Христу Богу грехов оставление даровати //  
празднующим любовь святую память вашу.

### Слава, и ныне, Богородичен:

Яко Деву и Едину в женах, / Тя, безсеменно  
рождшую Бога плотию, / вси блажим, роди  
человечести: / Огнь бо вселися в Тя Божества /  
и яко Младенца млеко питаеши Зиждителя и  
Господа. / Тем, Ангельский и человеческий род,  
достойно славим Всесвятое Рождество Твое.

### Крестобогородичен:

Агнца, и Пастыря, и Избавителя / Агница зрящи  
на Кресте, восклицаше, плачуци, и, горько  
рыдаючи, вопияше: / мир убо радуется,  
приемляй Тобою избавление, / утроба же Моя  
горит, зрящи Твое распятие, / еже терпиши,  
Сыне и Боже мой.

### Песнь 4.

#### Ирмос: Пришел еси от Девы:

Образу вашего благочестиваго супружескаго  
жития многия люди удивишася, всеславнии. /  
Сего бо ради Бог вас прослави и дарова плод  
благославный: / прехвальную Горгонию и  
Кесария блаженнаго, / и Григория Богослова  
всечуднаго.

Великия милости сподобистесь от Бога  
добронравным житием вашим, блаженнии, /  
темже и нам испросите богоприятными вашими  
молитвами / оставление грехов, милости Божия  
и Царства Небеснаго.

Радости исполняются днесь верных собори, /  
имуще вас, Григорие и Нонна всеблаженнии, /  
тепльыя молитвенники и христианом усердныя  
заступники.

**Богородичен:** Невесту Тя безневестну и чисто,  
Чистая, селение Иисусово, / святейшую Херувим  
вемы, Богородице.

### Песнь 5.

**Ирмос:** Света подателю:

Днесь память ваша, блаженнии, созывает люди  
на духовную трапезу. / Темже сподобите и нас  
достойно сия вкусити, / и пици райския во  
обителех Отца Небеснаго вкупе с вами  
наслаждатися.

Имуще житие благочестием сияющее / и  
супружество чистотою блистающее,  
достославнии родителие, / воистину древо  
благословенное явистеся, / плод Богу угодный  
израстивше.

Украшено добродетельми твое житие  
препроводив, Григорие всечестне, / заповеди бо  
вся Господня с Нонною, диакониссою  
Христовою совершил еси.

**Богородичен:** Дреманием уныния мя сон  
греховный постиже, Марие Богородице, /  
бодренною молитвою Твоею возстави мя к  
покаянию.

## Песнь 6.

**Ирмос: В** бездне:

Теплоту вашаея любве к Богу, праведная чето, / и ревность к добродетельному житию / от юности восприяша чада ваша достохвальныя: / вы бо явистеся первии научителие их добродетельному житию.

Христовою окормляеми дланию благочестно, / мирския жизни пучину преидосте, аки безплотнии, / и ко пристанищу тихому Вышния светлости, Богоблажении, устремистеся.

Яко цвети, благоухают подвиги ваша, Григорие и Нонно всемудрии, / ибо Божие явились еси благовонно кадило, / чада ваша и жизнь свою, яко фимиам Спасу Господу принесше.

**Богородичен: Милости Твоея, Богородице,** сподоби мя, премилостиваго Спаса рождшая, / Своею кровию от смерти вечныя человеки избавльшаго.

**Кондак, глас 4:**

Праведных возсия Божественная память / и земныя озари вся концы светло: / Нонна радуется ныне о чадах своих / и Григорий с веселием зовет: // Ты еси верных твоих, Христе, похвала и радование.

## Песнь 7.

**Ирмос:** Богопротивное веление:

Яко единомудушна от Бога даровася Григорию  
помощница Нонна всемудрая, / извлачащи сего  
от суетства языческаго и научающаго пети: /  
воплотивыйся нас ради человеков, Иисус  
Господь, / Сый благословен и препрославлен.

Принесли есте елей всечистаго жития своего,  
Григорие и Нонно достохвальнии, / и возжгли  
есте лампы светосиянии, чада ваша, пред  
лицем Вседержителя, благодарне поюще: /  
воплотивыйся нас ради человеков, Иисус  
Господь, / Сый благословен и препрославлен.

**Богородичен:** Гавриилово благовестие  
услышавши, Марие Чистая, / прияла еси  
благоволение Отчее и Духа нашествие, / и  
родила еси Христа - Слово воплощенное, радуясь  
и вопиючи: / Иисусе, Сыне Прелюбезный, Сый  
благословен и препрославлен.

## Песнь 8.

**Ирмос:** Пещь иногда:

Воспоим, вернии, всечестную двоицу, Григория  
и Нонну Богоблаженных, / от них бо возсия нам  
Григорий досточудный, Кесарий и Горгония  
всечестнии, / украшения Церкви Православныя  
и верных утверждение, / с нимиже едиными  
усты воспоем Владыце: / благословите, вся дела

Господня, Господа.

**Е**диномудренни и единомушии добродетельми бысте, целомудреннии супрузи. / Помогите и нам в чистоте и святости житие провождати, / да вас имуще молитвенников, возопием Владыце: / благословите, вся дела Господня, Господа.

**О**ка два всегда бодрствующих / не токмо Назианз, но вся Церковь имать днесь, / Григориев двух святителей, нас научающих Святей Троице всерадостно пети: / благословите, вся дела Господня, Господа.

**Богородичен:** Слово Отца Небеснаго Единосущное, / Адамово избавление от кровей Твоих девственных воплотися, Дево Марие Чистая, / Емуже благодарственне зовем: / благословите, вся дела Господня, Господа.

### **Песнь 9.**

**Ирмос:** Безначальна Родителя Сын: **К**ако ублажим вас, предобрая двоице! / Како прославим благое единомушие! / Аще и земнии бысте, но Небесных достигосте, Богоблаженнии, / идеже Святей Троице предстоите и молите спастися любовью вас почитающим.

**Ц**еломудренно поживше и благочестно, всечестнии, / ныне сладости несказанныя сподобистесь, / совершающим усердно

прехвальную и славную память вашу,  
священнейшии, / спастися молитесь.

**Источник**, вод исполненный духовных, / и река,  
Божественных дарований, / и чаша, милосердия  
проливающая токи, / пучины спасения,  
Григорий и Нонна, явистесь, / бури напастей  
различных нас избавляюще.

**Богородичен**: Глас Тебе ангелов, Пречистая,  
вопием: / радуйся, спасение всех человеков / и  
славных мучеников Божественное венчание.

### **Светилен:**

**Предстояще** ныне Трисиянному Великому Свету  
/ и пребывающе в неизреченной светлости со  
всеми святыми, / помяните всех нас, Григорие и  
Нонно Богосияннии, / память вашу светоносно  
совершающих.

### **На стиховне стихиры Осмогласника.**

#### **Слава святым, глас 1:**

Григорий всемудрый, священства правило, / с  
честною Нонною песньми достойно да почитится,  
/ с нимиже облистает чад их собор святой. /  
Ихже светлое торжество совершающе любовью,  
// поем песньми Божественными.

#### **И ныне, Богородичен, глас тойже:**

Святейшая всех Сил святых, / честнейшая  
всякаго творения, / Богородице, Владычице

мира, / спаси нас, Спаса рождшая, / от  
прегрешений безмерных и бед // яко Благая  
молитвами Твоими.

**Или Крестобогородичен:**

**У** Креста Твоего предстоящи, Слове Божий, /  
Агница и Непорочная Мати Твоя, рыдаючи  
вопияше: / увы Мне, Сыне, како умираеши на  
Кресте? / Увы Мне, Свете Мой сладкий, / где  
Твоя доброты ныне зайде зрак, // краснейший  
паче всех человек?

[Кроме того, в 2020 году украинский гимнограф  
**протоиерей Илия Тетерько** (Одесская епархия  
Украинской Православной Церкви) составил  
шестиричную службу родителям святителя  
Григория — святителю Григорию Старшему и  
праведной Нонне.]

